

礼敬三宝

南无佛，导师尊；

南无法，依怙尊；

南无僧，众中尊；

恒常赞颂三宝。

皈依发心

南无

我及无量无边众有情

直至菩提皈依三根本

生起愿行胜义菩提心

为利众生愿证佛果位

(三遍)

聖八吉祥之文句

於開始一切所作之前念誦此甚為要緊，凡所作皆當如願成辦也。

喻

顯有清淨自性任成之 十方吉祥剎土中安住

佛陀正法僧伽聖者眾 普皆頂禮願我等吉祥

燈王佛力堅義成意佛 慈嚴祥佛善稱祥教佛

普遍密意具稱廣聞佛 須彌能勝力稱祥德佛

憫一切有情名稱祥佛 心願令滿大力稱祥佛

僅聞彼名吉祥善德增 於八善逝佛前我頂禮

文殊童子具德持金剛 觀世自在怙主慈氏祥

地藏以及普除蓋障尊 虛空藏與聖者普賢尊

烏巴拉 杵 白蓮 龍樹 寶珠 月輪 利劍與日輪

持善手幟吉祥勝具德 於八菩提薩埵前頂禮

殊勝寶傘吉祥黃金魚 滿欲賢瓶悅意青蓮花

名聞海螺圓滿吉祥結 勝利寶幢權攝之輪寶

殊勝八珍寶徽手幟具 供令十方三時佛喜女
嬉等本性憶念增善德 於八吉祥天女前頂禮
大梵天大自在遍入天 釋提桓因以及持國天
增長天與龍王廣目天 多聞天子等持天物輪

三叉杖與短矛金剛杵 琵琶利劍塔與勝幢持
於三地中增善妙吉祥 於八世間護神前頂禮

我等如今所作之諸行 一切障患惱害皆平息
增所欲德隨心所願成 吉祥如意願悉皆圓滿

般若波罗蜜多心经

唐 三藏法師玄奘 译

观自在菩萨。行深般若波罗蜜多时。

照见五蕴皆空。度一切苦厄。

舍利子。色不异空。空不异色。

色即是空。空即是色。

受想行识亦复如是。

舍利子。是诸法空相。

不生不灭。不垢不净。不增不减。

是故。空中无色。无受想行识。

无眼耳鼻舌身意。无色声香味触法。

无眼界。乃至无意识界。

无无明。亦无无明尽。

乃至无老死。亦无老死尽。

无苦集灭道。无智亦无得。以无所得故。

菩提萨埵。依般若波罗蜜多故。

心无罣碍。无罣碍故。无有恐怖。

远离颠倒梦想。究竟涅槃。

三世诸佛。依般若波罗蜜多故。

得阿耨多罗三藐三菩提。

故知,般若波罗蜜多是大神咒。

是大明咒。是无上咒。是无等等咒。

能除一切苦。真实不虚。

故说般若波罗蜜多咒。即说咒曰。

揭谛揭谛。波罗揭谛。

波罗僧揭谛。菩提萨婆诃。

阿底峽尊者所造供燈願文

喻啊吽！

願燈器等同三千大千世界，
願燈芯巨如須彌山王，
願油汁多如周邊大海，
願燈數於一一佛前各亮一億，
願燈光驅除有頂直至無間地獄
一切有情的無明黑暗，
而現見十方諸佛菩薩剎土。

喻 班匝兒達瑪啊洛給 阿吽

誒瑪吽！

稀奇稀有光明燈，賢劫千尊佛陀等，
浩瀚十方無余剎，師尊空行及護法，
壇城尊眾前供養。父母為主諸有情，
願今生及世世中，親睹圓滿佛淨土，
無別怙主無量光。依於三寶三根本，
尊眾諦實之威力，發願速成祈加持。

達雅塔 班贊哲雅 阿哇波達呢 娑哈

金剛界壇城祈願文

南摩 咕汝

猴年猴月初十，於桑耶寺二樓「松石殿」開啟金剛界之壇城時，鄔金蓮師宣說此等祈願，一切君民皆恆長修持，後世眾人亦當於此專一修習。

十方四時諸佛與菩薩

上師本尊空行護法眾

無餘剎土塵數祈降臨

面前虛空蓮月上安坐

我以身語意恭敬頂禮

以外內密真如行供養
殊勝所依諸善逝尊前
於諸往昔罪業吾羞愧

現今所做不善盡懺悔
爾後退舍彼罪吾警戒
隨喜一切福德與善德
諸佛聖眾請勿入涅槃

三藏教法無上法輪轉
無餘善德回向眾生續
願眾生達無上解脫地
祈請諸佛菩薩垂念我
我所作此善妙之祈願
如同勝者普賢與其子
以及聖者文殊所了知
願我隨彼一切而修學

聖教吉祥上師珍寶眾
願如虛空周遍盡所有
願如日月普照一切處
願如高山恆常永堅固

聖教根基珍寶僧伽眾
祈願同心淨戒富三學
聖教心要密咒修持者
願持誓句生圓達究竟

復次聖教施主護法王
祈願國力興盛利法教
服務聖教之王族大臣
祈願智慧增長具力量

護持聖教之諸富裕家
祈願受用增長無災禍
普信聖教之廣大國土
祈願障礙止息具安樂
我等道上之瑜伽行者
祈願誓句不退心願成
與我締結善惡業緣者
祈願暫時究竟佛攝受
眾生得入無上乘門已
祈願獲證普賢大權位

當於六時精進作此祈願。薩瑪雅印！

回向

以此善令诸有情 圆满福慧二资粮

福德智慧所生者 胜士二身愿证得

一切有情所有善 已作将作现正作

等同普贤清净地 一切普贤愿得成

文殊师利勇猛智 普贤慧行亦复然

我今回向诸善根 随彼一切常修学

三世诸佛所称叹 如是最胜诸大愿

我今回向诸善根 为得普贤殊胜行

宗萨钦哲仁波切长寿祈请文

喻斯瓦斯谛

颇鬘莲花降魔赫鲁嘎

尊之无死本然智慧心

转轮回根为金刚大乐

调服诸显赐无死成就

智慧悲心无畏语自在

奥秘宝藏金刚持有者

周遍法界事业尊胜者

愿尊三密无坏恒安住

无垢友与赤松德真王

曾发悲愿将恒常驻世

护佑末法众生及法教

无变金刚精髓祈长住

愿此虔诚祈愿之善种

无欺二谛温润而滋长

成熟成为灿烂之果实

严饰三界最胜之吉祥

「入行论」回向品偈颂

乃至有虚空
以及众生住
愿吾住世间
尽除众生苦